



«ned ning sēn wa n bob tı-yoadã, ad a maana lagem-n-taare

Yii a 'Ukbat [bn 'Aamir Al-guhaniy nengē, (Wënd yard be a yīnga): Tı Wënd Tēn-tuumã (Wënd puusg la A tıgr be a yīnga) zama n wa a nengē, t'a balem neb a wae wã la a yök a meng n bas ned a yembrã, tı b yeele: yaa Wënd Tēn-tuumã, fo reega neb a wae wã balamgo la f bas yãwã? T'a yeele: «ad a tara tı-yodre», t'a kēes a nugã n tōsg-a, tı Wënd Tēn-tuum yaool n reeg a balamgã la a yeele: «ned ning sēn wa n bob tı-yoadã, ad a maana lagem-n-taare».

[Hasanun (be neere)] [A Ahmad n togs-a]

Zama n wa Nabiyaamã nengē (Wënd puusg la A tıgr be a yīnga) b sōorã yaa piiga, t'a reeg wae wã balamgo ne lıslaangã la sak-n-tũ la a ka reeg piig soaba, b sēn wa n sok-a sababã, a yeelame (Wënd puusg la A tıgr be a yīnga): t'a boba tum yoadã, yē me la bũmb ningã b sēn sēbgde, maa rik n yaglge, sēn yaa yoadã la zēng sēn ka yı ne rēnda, tı yaa sēn na n tus nini (sōodo) maa namsg buud sēn paamd neda. Tı raoã rik a nugã, n kēes tı-yodrã zīgē, n tōsg-a, n lobg-a, tı Nabiyaamã (Wënd puusg la A tıgr be a yīnga) reeg a balamgo, la a yeele, t'a yaa sēn bugsd nebã, tı b zãag b mens ne tı-yoadã, la a vēneg a buudã n wilg nebã: "ned ning sēn wa n bob tı-yoadã, ad a maana lagem-n-taare".

<https://sunnah.global/hadeeth/mos/show/6762>

